

# მეცნიერება

მეცნიერებათა აკადემიის ბიულეტენი



ს ი ა,

საქართველოს ეკლესიის წმიდათა, რამელთა დღეები იდექსსწაულებიან წირვითა, ზეთის კურთხ. და ჰარაკელ.  
(დასასრული. იხ. „მწყემსი“ № 6.)

ა გ ნ ი ს ა.

21. წმიდათა დიდებულ მოწამეთა არჩილ II, ივერიის მეფისა და ლუარსაბ II, ქართლის მეფისა. არჩილ II, საქართველოს მეფე, ეწამა აზიისაგან, ბაღდადის ხალიფისაგან, 20 მარტს 744 წ. წმ. ნაშთი მისი დაკრძალულია ს. ერწოში (თიონეთის მახრამში) ნოთქორის ეკლესიაში, რომელიც თვით მოწამისაგან არის აგებული.

წმ. ლუარსაბი, მეფე ქართლისა, შვილი გეორგი მე-X-სა, ეწამა შაჰ-აბაზ I მიერ 1622 წ. შირაზში, ნაშთი წმ. მოწამისა შაჰის ბრძანებით იქმნა დატლულ ორმოში სხვა დანაშაულთა გვამებთან ერთად შირაქში.

განსაკუთრებით ღამის-თვევით ღვთის-მსახურება.

27. ღირსისა და ღვთის-მოსავე გეორგი მთაწმინდელისა. თანამოდვაწე წმ. ვეტიმესი წმ. მთაზედ, საბერძნეთის სიბრძნის მკოდნე, საღმრთო-წერილის მთარგმნელი ქართულ ენაზედ. მიიღვა 1066 წ. მისი წმიდა ნაშთი ინახება ათონის ივერიელთა მონასტერში.

განსაკუთრებით ღამის-თვევით ღვთის-მსახურება.



ნ. ი. ი.

არჩილი და ლუარსაბი.



ნ. ი. ი.

ღირსი გეორგი მთაწმინდელი.

ი გ ლ ა ს ი.

12. წმ. დიდებულისა ღირსისა მამისა ჩვენისა იოანესი და ღირსისა მამისა ჩვენისა გაბრიელისა. წმ. იოანე და გაბრიელი დიდებული ათონელი მოღვაწენი, ივერიის მონასტრის გამამშვენებელნი, პირველი მათგანი მეგობარი ღირსი ათანასე ათონელისა. მაიცვალენ მე XI საუკუნეში. წმ. ნაშთნი მათი დაკრძალულნი არიან ათონის ივერიელთა მონასტერში.

განსაკუთრებითი ღვთის-მსახურება ზეთის-კურთხევით.



წმმ. მამანი: იოანე, ექვაიძე და გაბრიელი.

29. წმ. მოწამის ესტატე მცხეთელისა. ჩამომავლობით სპარსელი, ეწამა 589 წელს. მისი წმიდა ნაშთი დაკრძალულია მცხეთის ათორმეტ მოციქულთა ტაძრის ტრაპეზის ქვეშ.

განსაკუთრებითი ღვთის-მსახურება.

ს გ გ ი ს ტ ა.

3. წმიდისა პირველ-მოწამისა ივერიის ეკლესიის რაჟდენისა. ჩამომავლობით სპარსელი, ეწამა 457 წელს სპარსელთაგან. ჯერ აწამეს თფილისში, მერე ს. წრომში (გორის მაზრაში) აცვეს ჯვარს. მეფე ვახტანგმა წამების შემდეგ გადაიტანა ნაშთი ს. ნიქოზში.

განსაკუთრებითი ღვთის-მსახურება ღამის-თევით.



წმ. პირველ-მოწ. რაჟდენი.

28. წმიდისა დიდებულ მოწამისა რანის დედოფლის შუშანიკისა, ქართველთ დედოფლისა. წამებულ იქმნა ქმრის ვასკანისაგან, რომელიც გადუღდა ქრისტიანობას და შეიქმნა ცეცხლის თაყვანის მცემელი, მე-V საუკუნის დასასრულს. მისი წმიდა ნაშთი დაკრძალული იყო პირველად დაბა ნორთავში, მეექვსე საუკუნის დასასრულს კი გადატანილ იქმნა ქ. თფილისში და ამ ჟამად ინახება თბილისის მეტეხის ციხის ტაძარში.

განსაკუთრებითი ღვთის-მსახურება ზეთის-კურთ.

მოძაგ დღესასწაულებში სრულდება ხსენება:

1. ყველიერის ზუთშაბათს ღირსი შიოსი, მღვიმევის სასწაულთ-მოქმედისა (ამის შესახებ 9 მაისს არის ნათქვამი).

2. ბრწყინვალე კვირიაკის სამშაბათს ღირს მამათა ჩვენთა დავით გარეჯელის მონასტერში დახოცილთა აღდგომის დღეს. შაჰ-აბაზ I ს დიდის შემოსევის დროს, როდესაც დარბეულ იქმნა საქართველო, დავით გარეჯელის მონასტერიც დააქციეს, ყველა შიგ მყოფი ბერები გაწყვიტეს. მათი წმიდა ნაშთნი დაკრძალულ არიან დავით გარეჯელის უდაბნოში—განსაკუთრებულ ეკლესიაში.

განსაკუთრებით ღვთის-მსახ. ზეთის-კურთხევით.



ღირსი დავით გარეჯელი.

აღდგომის შემდეგ მე-7-დე კვირიაკის ოთხშაბათს ღირსი დოდოსი, წმ. დავით გარეჯელის მოწაფისა.

განსაკუთრებით მღვთის-მსახ. ზეთის-კურთხევით.

იმავე კვირიაკის ხუთშაბათს ღირსისა მამისა ჩვენისა დავით გარეჯელისა. ღირსი დავითი, ერთი 13 ასურელ მამათაგანი, პირველად იღვწოდა თფილისში, მაგრამ უსამართლოდ შეგინებული, გარდისხვეწა უდაბნოში 70 ვერსის მანძილზედ თფილისიდან და მოაწყო სავანე ღირსი ლუკიანეს თანაშემწეობით, რომელიც

მისი მორჩილი იყო. ღმერთმა მიანიჭა მას ძალა სასწაულოთ-მოქმედებისა. მისი წმიდა ნაშთი დაკრძალულია ტრაპეზ ქვეშ, მისგან დაარსებულ დავით გარეჯელის უდაბნოს ტაძარში.

განსაკუთრებით ღმერთის-მსახურება. ღირსმა დოდომ, კახეთის თავადმა, საყვარელმა მოწაფემ ღირსი დავითისამ, დავით გარეჯელის უდაბნოსთან დაარსა განსაკუთრებით მონასტერი. მისი წმიდა ნაშთი დაკრძალული იყო დროთა ვითარებისაგან დოდოს მონასტრის დანგრეულ ეკლესიაში, მაგრამ იქიდგან გადატანილ იქმნენ წმ. დავითის ეკლესიაში (გარეჯელის უდაბნოში).

ამ წმინდანთა გარდა, რომელთა სახსენებლად დადგენილია ღვთის-მსახურება საეკლესიო წიგნებში და რომელთა ცხოვრების აწერილობაც დაცულია მონასტრის სვინაქსარებში, საქართველოს ეკლესია აღიდებს კიდევ შემდეგ მოწამეთ, რომელნიც გამობრწყინდნ საქართველოში სხვა-და-სხვა დროს; მათი ხსენება შეგხვდებათ ზოგიერთ საღმრთო წერილის წიგნებში ან არა და მათი სახელი იხსენიება ივერიის ეკლესიის სასულიერო მწერალთაგან. რადგან დაბეჭდილ საღმრთო წერილის წიგნებში არ არის ნახსენები იმ წმინდანთა სადიდებელი დღეები, რომლებიც ქვემოთ არიან ნახსენები, ამიტომ დავასახელოთ ზოგი მათგანი, სხვების მოსახსენიებელი დღეები კი ვაჩვენოთ, რომლებიც ხვდებიან ხელთ-ნაწერებში და რომელნიც დაცულნი არიან ქართველთ სამღვდლოების მუხებში ქ. თფილისში:

- 1) წმ. დიდებულისა მოწამისა თავად შალვასი 10000 ქართველისა, რომლებიც გაწყვეტილ იქმნენ ქ. თბილისში სპარსელ მაჰმადიანთაგან, მათის წინამძღოლის დჟალალ ედინის ბრძანებით და თანადასწრებით მე-XIII საუკ. პირველ მეთხედში.
- 2) წმ. სიდონიასი და აბიათარისა. წმ. სიდონიამ სარწმუნოებით მიიღო აბიათარისაგან კვართი უფლისა და ქმასთან ერთად ირწმუნა ჯვარცმული ქრისტეს მოძღვრების ძალა.

ნამდვილი ხელ-მოწ. ალავერდის ეპისკ. დიმიტრის და დეკ. მ. ტყემალაძის მიერ.

### საქმე უწმიდესი სინოდისა.

კთ-ს იანვარს ჩზგ-ს წელსა.

სსხელითა მამასათა, და ძასათა, და სუფისა წმიდისათა.

სამოცდა ათის წლის წინ, 1833 წ. 2 ს იანვარს, საროვის უდაბნოში მშვიდობით აღესრულა ნეტარი მოხუცი მღვდელ-მონაზონი სერაფიმე. თვისის მალაღის ქეშმარიტ-ქრისტიანულ მოღვაწეობრის ცხოვრებით მან ჯერ კიდევ თანამედროვეთაგან მოიპოვა თვისდა მიმართ საზოგადო სიყვარული. თანამედროვეთ სწამდათ, რომ მის წმიდა ლოცვებს ეავლენა ჰქონდა ღვთის წინაშე; ხოლო მისის ნეტარის აღსრულების შემდეგ ხსოვნა მისი, მტკიცდებოდა რა საღვთო მოწყალების სულ ახალ-ახალი ნიშნებით, რომელნიც გამოუჩნდებოდათ სარწმუნოებით მისი ლოცვითის მეოხების მეძიებელთა, მეტად გავრცელდა მართლ მადიდებელ რუსთ შორის და მათ მიერ ღრმა მოწიწებითის პატივისცემით დაგვირგვინებულია. მთელი მისი ცხოვრება იძლევა მალაღს მოძღვრებითს სახეს ქეშმარიტ-ქრისტიანობრის მოღვაწეობისა, მხურვალე სარწმუნოებისა ღვთასა მიმართ და მოყვასთა თავ-გაწირულის სიყვარულისა. ის ჯერ კიდევ ჰაბუკი სტოვეს მშობელთა სახლ-კარს ქალ. კურსკში და, ყველასათვის უცნობი, მოღის საროვის მონასტერში. აქ ის ივიწყებს თვის ცხოვრებას მორჩილების პირველ საფეხურთაგან და წყნარად აღასრულებს თავის მოვალეობას, — ისე რომ ყველამ შეიყვარა იგი და პატივს ცემდა მას მისი სიმშვიდისა და სიწყნარისათვის. რვა წლის განმავლობაში სცდიდა იგი თავის თავს, ემზადებოდა რა მონაზონურის ცხოვრების გზაზე გამოსასვლელად. და, 13 მარტამობისთვის 1786 წელსა, აღკვეცილ იქნა ბერად სერაფიმედ სახელწოდებით; ხოლო ორის თვის შემდეგ ებოძა მას ბერ-დიაკონის ხარისხი. შემოზღუდული სიწყნარის მიერ, მამა სერაფიმე ვიდოდა ძალითი ძალად სასულიერო ცხოვრებაში. ვითარცა ბერ-დიაკონი, ის მთელს დღეებს, დილიდამ სმლამოდის, გაატარებდა მონასტერში, აღასრულებდა ღვთის-მსახურებას — და სამონასტრო წეს-რიგსა და მორჩილებასა, ხოლო საღამოთი იგი მიდიოდა საუდაბნოვო სავანეში, სადაც მთელს ღამეს ლოცვით გაატარებდა, და დილით ადრე, განთიადისას, კვლავ მოდიოდა მონასტერში თვისთა მოვალეობათა შესასრულებლად. 1793 წელსა 2

ენკენისთვის ის ხელ-დასხმულ იქნა მღვდელ-მონაზონად და უფრო უმეტესის ერთგულებით და გაორკეცებული სიყვარულით განაგრძობს მოღვაწეობას სასულიერო ცხოვრებაში. მას აღარ აკმაყოფილებდა თავის თავად სხვათათვის მიძიე შრომა მონაზონურის ცხოვრებისა: ლოცვები, მარხვა, მორჩილება, უნგაროება. მასში იღვიძებს წყურვილი უმაღლესთა და უმაღლესთა ღვაწლთა. ის თავს ანებებს მონასტრის ზოგად — საცხოვრებელს და გადაიხვეწება განმარტოებულს უდაბნურს სავანეში საროვის ყრუ ფიჭვნარის ტყეში; თხუთმეტი წელიწადი სცხოვრობს აქ სრულს განმარტოებით და თანაც სასტიკად მარხულობს, განუწყვეტლად ლოცულობს, ღვთის სიტყვას კითხულობს და ხორციელად შრომობს. ის ბაძავს ძველ წმიდა მესვეტეებს და, მადლით აღსავსე შემწეობით გამტკიცებული და ნუჯემცემული, ათას დღეს და ღამეს ატარებს ქვაზე დგომით ცის მიმართ აღპრობილი ხელებით და იმეორებს ლოცვას. „ღმერთო! მილხინე მე ცოდვილსა ამას“. სავანდეგილო ცხოვრების გათავების შემდეგ, ის კვლავ მოღის საროვის მონასტერში და აქ, ვითარცა კუბოში, შთაიკეტება მღვიმეში თხუთმეტის წლის განმავლობაში, ამასთანავე პირველი ხუთის წლის განმავლობაში დროს ატარებს სიჩუმის აღტქმის აღსრულებაში. მთლად გაბრწყინებული სულის წმიდის მადლით, გონებისა და გულით ღვთის მიმართ განუწყვეტელ ლოცვითის აღვლენით, ის არა ერთგზის ეღირსებოდა ჩვენებათა ზეგარდამო სოფლიდამ. მომწიფებული სულიერს ცხოვრებაში, ის, უკვე მოხუცი, მთელს თვის ცხოვრებას სწირავს მოყვასთა სასარგებლოდ მოქმედებას. მდიდრები და ღარიბები, ჩინებულნი და უჩინონი ყოველ დღე ათასობით მოდიოდნენ მის სავანესთან და, დავარდებოდნენ რა პირქვე წელში მოხრილი მოხუცის წინაშე, განუცხადებდნენ მას თვისის სინდისის საიდუმლოებსა, აუწყებდნენ მას თვის მწუხარებას და საჭიროებას და მიიღებდნენ წრფელის მადლობით და სიყვარულით თითოეულს მის სიტყვას.

(შემდეგი იქნება)

# მწყემსი



მე ვარ მწყემსი კეთილი: მწყემსმან კეთილმან სული თვისი დაჰსდგის ცხოვრათათვის. იოან. 10—11.  
 შპოვე ცხოვარი ჩემი წაწყმედული. მსრეთ იყოს სიხარულ ცათა შინა, ერთისათვის ცოდვილისა. ლუკ. 15—4.  
 მოვედით ჩემდა ყოველნი მამურალნი და ტვირთ-მძიმენი და მე განგისვენოთ თქვენ. მათ. 11—28.

№ 7

1883—1903

15 აპრილი

## შ ი ნ ა ა რ ს ი:

- ოფიციალური განყოფილება:** სია საქართველოს ეკკლესიის წმიდათა, რომელთა ღვინი იღვესასწაულებიან წირვითა, ზეთის კურთხევითა და პარაკლისითა.—საქმე უწმიდესი სინოდისა.
- სალიტერატურო განყოფილება:** სააღდგომო მილოცვა.—როგორ გავაშენე მე სასულიერო ბაღი.—ყოვლად სამღვდლო იმერეთის ეპისკოპოსის ლეონიდისაგან დღესასწაულობითი წირვა შიო მღვიმის მონასტერში 21 წარსულ თებერვალს, ყველიერის ხუთშაბათს. დეკ. დ. დამბაშიძე.—„მწყემსი“-ს კორესპოდენცია. მლ. მიხ. ჩიქვინიძე.—აღდგომას, (ლექსი). ყვიმარია.—ყურნალ-გაზეთებიდან.—ახალი ამბები და შენიშვნები.
- საზიკო და სასარგებლო ცნობათა განყოფილება:** მართლმადიდებლობით — ქრისტიანებრივის საეკკლესიო საზოგადოების ღვინის მსახურების განმარტება. კაპახიძე — განცხადება.

### სააღდგომო მილოცვა.

აგერ ცხრამეტი საუკუნე გავიდა ქრისტეს აღდგომის შემდეგ, მაგრამ დღესაც დიდის სიხარულით ვგებება საქრისტიანო ქვეყანა ამ დღესასწაულს, იმავე გავლენას ახდენს ეს დიდებული დღე მორწმუნეებზედ, რა გავლენაც მოახდინა ქრისტეს აღდგომის მხილველებზედ. „განიხარეს მოწაფეთა ხილეს რა აღდგომილი უფალი“ (იონ. 20, 20).

ეხლა ჩვენ არ ვხედავთ ხორციელი თვალებით აღდგომილსა ქრისტეს, მაგრამ, მიუხედავად ამისა, ვიხარებთ და ვიშვებთ დიდის დიდებით (1 პეტრე 1, 8). ან კი როგორ არ განვიხაროთ ასეთი სიხარულით! ერთის მხრივ უფლისა ჩვენისა ქრისტეს აღდგომაში გამოცხადდა დიდება მისი, დასთრგუნა რა სიკვდილი ძალითა ძლიერებითა თვისითა; იმან გვიჩვენა, რომ იგი არის ძე ღვთისა, „რომელიც დასდგეს სულსა თვისსა და კვალად მოიღებს მას“ (იონ. 10, 18). ბევრი სასწაული მოახდინა მან

თავის ქვეყნიურ ცხოვრების განმამავლობაში, მაგრამ სასწაული მისი ბრწყინვალე აღდგომისა აღემატება ყველას, იგი არის მთავარი საფუძველი ჩვენი რწმუნებისა მისი ღვთიურ ღირსებასა და სწავლაში. „უკეთუ ქრისტე არ აღსდგა, ამო არს რწმუნებაი ჩვენი“ (1 კორ. 17, 17). აღდგომაში იგი გამოგვიჩნდა თავისი ძლიერებით, როგორც ძე ღვთისა. მეორე მხრივ დიდება აღდგომილისა, ჩვენი საკუთარი დიდებაა, რადგან მოციქული ბრძანებს: „ქრისტე აღსდგა მკვლრებით და იქმნა იგი დასაბამ შესვენებულთა“, „ვითარცა იგი ადამისა გამო ყოველნი მოსწყდებიან, ეგრეთცა ქრისტეს მიერ ყოველნი ცხოველ იქმნენ“. ასეთი დიდებული დანიშნულებით დღესასწაული ქრისტეს აღდგომისა, აღემატება მნიშვნელობით სხვა დღესასწაულებს. ის არის „მეფე და უფალი, კვირა დღეთა შორის, დღესასწაული დღესასწაულთა და დიდება დიდებათა“\*) საეკლესიო და სამოქალაქო დღესასწაულთა შორის. ამიტომ, თუ კი ყოველი დღესასწაული გვახარებს, მით უმეტეს აღდგომა ქრისტესი. ამისდა მიხედვით, ამ დღის ჩვეულებანი და მილოცვანი განირჩევიან სხვა დღესასწაულთა ჩვეულებათაგან.

ქრისტე აღსდგა! — ჭეშმარიტად აღსდგა.

აღდგომის დღესასწაულის მილოცვის გამოხატვა ანაირად არის მოღებული: „ქრისტე აღსდგა“, ამბობს ერთი; „ჭეშმარიტად აღსდგა“, — უპასუხებს მეორე. აღდგომის კვირას ეს მილოცვა განსაკუთრებით დიდებულია. წმიდა ტაძრები ამ კვირაში ბევრჯერ იხმობენ მღვდელ-მსახურთაგან: „ქრისტე აღსდგა“-ს და ერთ ხმევ მიგებას მლოცველთაგან: „ჭეშმარიტად აღსდგა!“ ეკლესიაში ხმარებით კურთხეული ეს მილოცვა ორმოცი დღის განმავლობაში იხმარება ქრისტიანთაგან. ეს დიდებული სიტყვები: „ქრისტე აღსდგა“ პირველად ანგელოსმა წარმოსთქვა. როდესაც მენელსაცხებლენი დედანი მოვიდნენ იესოს საფლავთან, რომ ეცხოთ გვამი მისი, იხილეს იქ ანგელოზი, რომლისა სახე ბრწყინავდა ვითარცა ელვა და ტანისამოსი იყო თეთრი, ვითარცა თოვლი. იგინი შეშფოთდნენ, მაგრამ ანგელოზმა უთხრა მათ: „ნუ გეშინისთ! თქვენ ეძებთ

ქრისტეს ჯვარცმულს; ის აქ არ არის, იგი აღსდგა“. როდესაც ჩვენ ვამბობთ: „ქრისტე აღსდგა“, — ვბაძვით იმ ანგელოსს. მხოლოდ როდესაც ვამბობთ: „ჭეშმარიტად აღსდგა“ — ვემსგავსებით ქრისტეს იმ პირველ მოწაფეთ, რომელნიც მისი აღდგომის შემდეგ ერთი ერთმანეთს ეუბნებოდნენ: „ჭეშმარიტად აღსდგა ქრისტე“. ჭეშმარიტად აღსდგა! მოციქულთა და მოწაფეთათვის ქრისტეს აღდგომის ჭეშმარიტება მტკიცდებოდა მისი გამოცხადებით (საქმე მოც. 1, 3). ამ მოციქულთა რწმუნებას ჩვენთვის იგივე ძალა აქვს; მაგრამ უფალი ჩვენი, რომელიც თავის აღდგომის შემდეგ მრავალ გზის გამოცხადება მოწაფეთ, არც ჩვენ გვაკლებს ამ სიხარულს. იგი გუშინ და დღეს და იგი თავადი არის უკუნისამდე. იგი უხილავად ამცნობს თავის ახლობას ყოველ მორწმუნეს და მის მოყვარულს. რადგან მან თითონ სთქვა: „რომელსა აქვდნენ მცნებანი ჩემნი, და დაიმარხნენ იგინი, იგი არს, რომელსა უყვარ მე; ხოლო რომელსა უყვარდე მე, საყვარელ იყოს მამისა ჩემისა მიერ, და მეცა შევიყვარო იგი, და გამოუცხადო მას თავი ჩემი“. შეიყვარე უფალი ღმერთი შენი ყოვლითა ძალითა შენითა, და ყოვლითა გონებითა შენითა და ნიშნად მისი სიყვარულისა აღასრულებდე მცნებათა მისთა, — და ის გამოგეცხადება შენ, და იგი გამოცხადება აღგავსებს ისეთი განუსაზღვრელი სიხარულით, რომლითაც იყვნენ აღვსილნი ორი მოწაფენი მისნი, რომელნიც ემაუსში მოგზაურობის დროს ღირს იქმნენ ქრისტეს თანამგზავრობისა, ხოლო თვალნი მათნი შეპყრობილ იყვნენ, რათა ვერ იცნან იგი (ლუკ. 24, 16). მაგრამ გულნი მათნი, ეუბნებოდნენ მათ, ვითარმედ ეს არს იესო ტკბილი, — და ბრწყინავდნენ სიხარულითა (ლუკ. 24, 32). როდესაც შენი სულიც, აღვსილი სიყვარულითა მაცხოვრისადმი, მოვა ასეთ მდგომარეობაში — ლოცვით, მორჩილებით, ღვთის სიტყვის მოსმენით, წმიდა საიდუმლოებით — იცოდე, რომ იესო ტკბილი შეეხო მას, გამოგეცხადა შენ და მადლობდე მას იმ აურაცხელი მოწყალებისათვის, რომელიც მან მოიღო შენზედ. სარგებლობ რა მით, შენ თითონვე გრწამს, რომ ჭეშმარიტად აღსდგა ქრისტე.

ქ მ უ რ ი ა მ ბ რ ე კ ბ ა .

სააღდგომო მილოცვას მორწმუნენი გამოხატავენ ურთიერთ შორის ამბორებით, რომლითაც

\*) ირმოსი მე-9 საგალობლისა სააღდ. კან.



ამტკიცებენ სიხარულსა და ძმურ სიყვარულსა. სიხარულის გრძნობა ყოველთვის აღგავსებთ მეგობრობით და ერთობით. ვისაც რამე უხარია, ვინც კარგ გუნებაზედაა, ყველას კარგად უყურებს, ყველასათვის კეთილი უნდა, ყველას მიუტოვებს შეცოდებათა, სურს ყველა გულზედ მიიკრას. წმიდა ეკკლესიას სწორედ ეს სიხარულის გრძნობა აქვს სახეში, როდესაც გვიწოდებს აღდგომის დღესასწაულზედ, რათა ჩვენ ვეამბოროთ ურთი-ერთს, უთხრათ ჩვენ მოყვასს, ვინც უნდა იყვეს იგი: შენ ჩემი ძმა ხარ,—და ჩვენ მტერთ ვაპატიოთ ყოველივე. სიხარული ყოველთვის მეგობრულ გრძნობას იწვევს, მაგრამ ეს კი განსაკუთრებით უნდა ხდებოდეს აღდგომის დღეს. რადგან თვით მაცხოვარმა არ იუკადრისა თვისი აღდგომის დღეს ეწოდებინა მოწაფენი თავის ძმებათ, მიუხედავად მისი გაბრწყინებული კაცობრიობისა, კავშირი მისი მათთან, როგორც მოუსხმელი ბუნების მქონეებთან, უფრო განმტკიცდა. „წარვედ ძმათა ჩვენთა“ (იოან. 20, 17). რქვა მან მარიამ მაგდალინელს. „წარვედით და აუწყეთ ძმათა ჩემთა“ (მათ. 28, 10), რქვა მან მენელსაცხებელ დედათა. მაშასადამე, თუკი უფალი ჩვენი, რომლის ბუნება განიდიდა აღდგომითა, უწოდებდა ყველას ძმათ, ჩვენ განა გავბედავთ, მისი მოგონების შემდეგ, დავივიწყოთ რომ ჩვენ ყველანი ძმანი ვართ? ჩვენ შეგვიძლია განვიხაროთ აღდგომით და არ გაუყოთ ჩვენი სიხარული და შვება მოყვასთ? აი ამიტომ წმიდა ეკკლესია, რომელიც მუდამ ძმობის მქადაგებელია, აღდგომის დღესასწაულზედ ვალად გვდებს ურთერთ ამბორებას. თავის თავად ცხადია რასაკვირველია, რომ ეს ამბორება, როგორც ძმობის და ერთობის აღმნიშვნელი, უნდა იყოს ნამდვილად ძმური, წმიდა. „მოიკითხვედით ურთიერთარს ამბორის ყოფითა წმიდითა“ (რომ. 16, 16). ამბორის მყოფელთ მხოლოდ ერთი უნდა ახსოვდეთ—ქრისტე. ვინც ამ ქრისტიანულ ამბორების დროს ხელმძღვანელობს უწმიდურის გრძნობებით და არა კეთილის აზრით, იგი დამნაშავეა, როგორც მქირდავი.

წითელი კვერცხის ჩუქება.

სააღდგომო მილოცვასთან ერთად შემოდებულია წითლად შეღებილი კვერცხების ჩუქება. ეს ჩვეულება ქრისტიანობის დასაბამიდანვე არსებობს,

იგი ყველგან დაცულია, სადაც კი მართლ-მადიდებელ ეკკლესიას აღიარებენ. შესანიშნავია აგრეთვე ისიც, რომ ეს ჩვეულება დაცულია იმ საეკკლესიო საზოგადოებებშიაც კი, რომლებიც მე-5—6 საუკუნეში განრინებულან მართლ-მადიდებელი ეკკლესიიდან. მაგ. სომხებში, მარონიტებში, იაკობიტებში და სხ. ცხადია, რომ ეს ჩვეულება ამ უკანასკნელთ მართლ-მადიდებელ ეკკლესიასთან ერთობის შემდეგ შერჩენიათ. გარდმოცემის მოწმობით ეს ჩვეულება არსებობს მოციქულების დროიდან და დაწყებული მოციქულთ სწორის მარიამ მაგდალინელისაგან. ქრისტეს ამალღების შემდეგ იგი მოგზაურობდა სხვა-და-სხვა ქვეყნებში და ქადაგებდა სახარებას, იგი რომშიდაც იყო. ის იქ წარსდგა რომის იმპერატორის ტიბერის წინაშე, და მიუტანა რა მას წითელი კვერცხი უთხრა: „ქრისტე აღსდგა“—მერე კი დაიწყო ქადაგება. მარიამის მაგალითს წაბაძეს სხვა ქრისტიანეთაც და ამნაირად შემოიღეს წითელი კვერცხის მიკვლევა აღდგომის დღეს. ამ გარდმოცემის სინამდვილის დასამტკიცებლად უჩვენებენ ერთ ბერძნულ ხელნაწერს მე-10 საუკუნისას, რომელიც ინახება წმ. ანასტასეს მონასტერში, სოლოუნის მახლობლად. ეს ხელნაწერი შეიცავს საეკკლესიო ტიბიკონს, რომელშიდაც სააღდგომო ლოცვის შემდეგ სწერია: „იკითხება ეგრეთვე ლოცვა კვერცხებისა და ყველის მოსაკურთხებელი, იგუმენი კი ეამბორება რა ძმათა, ურიგებს კვერცხს და ეუბნება: „ქრისტე აღსდგა!“ ასე მივიღეთ ჩვენ წმ. მამანებისაგან ეს ჩვეულება, რომლის დასაბამიც მოციქულთაგან არის. რადგან წმიდა მოციქულთ სწორმა მარიამ მაგდალინელმა პირველმა უჩვენა მორწმუნეთ მაგალითი ამ წმიდა და სასიხარულო მიმკვლევისა.

ეს ჩვეულება შემოვიდა ხმარებაში არა თუ მარტო ძველების მიბაძვით, მას კიდევ აქვს განსაკუთრებული მნიშვნელობა.

პირველ ყოვლისა, სააღდგომო კვერცხი უნდა ყოველ ჩვენთაგანს გვაგონებდეს ქრისტეს აღდგომას და ეგრეთვე მომავალ ჩვენ აღდგომას, რადგან როგორც კვერცხიდან, მისი ნაჭუჭიდან იბადება სიცოცხლე, რომელიც სრულიად იყო მასში დამალული, ეგრეთვე კუბოდან—სიკვდილის და განხრწნის საცხოვრებელიდან აღსდგა ცხოველ-მყოფელი და ოდესმე აღდგებიან მკვდარნიც. ამნაირად,

როდესაც ჩვენ ვუკვლევთ ერთი-ერთმანეთს წითლად შეღებილ კვერცხს, ამით ჩვენ გამოვხატავთ რწმუნებას ქრისტეს აღდგომაში და მომავალ საერთო აღდგომაში.

მეორეც ის, რომ კვერცხი ძლიერ გრძობიერი გამოხატველია ჩვენი სულიერ წარმოშობისა. ყველა ადამიანები, სანამ ოგინი ზეგარდმო მადლით არ გამოიწვევიან საარსებოთ, ემსგავსებიან უსიცოცხლო კვერცხს. მაგრამ, როგორც კვერცხიდან სითბოს საშუალებით იჩეკება ცოცხალი არსება, აგრეთვე ჩვენ ბუნებას „მკვდარს შეცოდებათაგან“ ქრისტე ცხოველსყოფს თვისი მადლით.

მესამეთ, შესამჩნევია სააღდგომო კვერცხის ფერი. თვისი წითელი ფერით იგი გვაგონებს ჩვენ ჯვარზედ დანთხეულ სისხლს უბიწო ზვარაკის ქრისტესაგან, რომლითაც იმან გადარეცხა ჩვენი შეცოდებანი და გვიხსნა ჩვენ საუკუნო სიკვდილისაგან.

**როგორ გავაშენე მე სასულიერო ბაღი.**

ჩვენი სემინარიის უკანასკნელი კლასი ორჯგუფად იყო გაყოფილი. პირველ ჯგუფს ეკუთნოდნენ აკადემიაში და სხვა უმაღლესს სასწავლებლებში მიმავალნი, მეორეს კი—სოფლელი მოძღვრის მშვიდი ცხოვრების მოტრფიალენი.

ამ მეორე ჯგუფის სატრფიალო საგანი, რომელსაც მეც ვეკუთვნოდი, მშვიდი ხასიათის იყო. ტრფიალებისა და მეგობრული ბაასის საგნები სხვადასხვა ნაირი იყვნენ: საცოლეები, სამრევლოები, სასოფლო მოღვაწეობა, ესე იგი ქადაგება—დამოძღვრება, საღმრთო სჯულის და საერთოდ მასწავლებლობა, მღვდელ-მოქმედება, მეოჯახეობა და სხ.

საერთო ინტერესებმა და გულ-ახდილობამ ჩვენ ძლიერ მჭიდროდ დაგვაკავშირა ურთი-ერთ შორის სემინარიის გათავების ხანს. გამოთხოვების დროს ჩვენ ვუსურვებდით ერთი-ერთმანეთს სასულიერო სარბიელზედ ნაყოფიერ მოღვაწეობას, სადაც ასე ბევრი სამუშევრია.

ბოლოს, ჩვენი მისწრაფებანი ხორციელდებიან—ჩვენ წინ სასურველი მიზნებია. თავში მთელი გროვია გეგმებისა სოფლის გარდასაქმნელად; რაღაც ძალსა გრძობ, რომლითაც ლამობ ერთი მძიმე ტვირთის ამოძრავებას.

როგორც კი დავბინავდი მე ჩემს პირველ სამრევლოში, ხეხილის ბაღის გაშენებასთან ერთად სასულიერო მტილის გაშენებასაც შეუდექი. არ ვიცი ყველანი ჩემი ამხანაგებიც ასრე შეუდგნენ საქმეს თუ არა, მე კი მწყუროდა მოკლე დროში მხილა ჩემი სამწყსო: ღვთისნიერი, პატიოსანი, ფხიზელი, საზოგადოდ, კეთილ-განწყობილი ყოველ მხრივ,—რაც შეიძლებოდა საჩქაროდ დამეტკბარიყავი ჩემი მოქმედების ნაყოფით. მე დავადექი მამხილებელ ქადაგებას. საეკლესიო კათედრიდან მე საჯაროდ ვკიცხავდი ისეთ უხეობას, როგორც მაგ. ლოთობა, ქურდობა, ცრუ-მორწმუნეობა, ოჯახური უთანხმოება, ლანძღვა-გინება და სხ.

როდესაც დავინახავდი მთვრალს, გაათრებულ ვეცემოდ და სასტიკად ვკიცხავდი მას ურჩობისათვის, ვაჯარიმებდი მას ეკლესიის სასარგებლოდ და სხვა.

გაიარა ერთმა, ორმა წელიწადმა, მაგრამ არა თუ ნაყოფი, არამედ კუკურიც არ გამოჩნდა ჩემი მოქმედებისა. სამწყსო არ მიახლოვდებოდა, პირიქით ლოთები და ქურდები სრულებით მიტრთხოდნენ მე და სახსარებოთაც არ მოდიოდნენ.

—ჯავრობს ძლიერ ჩვენი მოძღვარი—ასე ამბობდა ჩემზედ სამწყსო.

ოჰ, რა უმაღური სოფელია, ვფიქრობდი მე,—მე ყოველ ღონისძიებას ვხმარობ უხეობის აღმოსაფხვრელად. სამწუხაროდ, მე მარტოდ მარტო ვიყავი, მეზობლები აღმაცურად უყურებდნენ ჩემს მოქმედებას—ვინმესთან მოლაპარაკება შეუძლებელი იყო. ერთი სიტყვით, ამ ეკლიან გზაზედ მსვლელობის დროს მე ვერ ვიპოვე მ. პავლე, რომელმაც ისე უბრალოდ და გულწრფელად დამანახვა ჩემი შეცდომანი ხეხილის ბაღის გაშენებაში.

და აი, მე თითონ შევეცადე სასულიერო მტილის გასაშენებელი ზომების გამოძებნას. მაგრამ ამ საგანზედ ფიქრმა ვერ დამამშვიდა. მაშინ მივმართე მე საღმრთო სიბრძნის დაუშრეტელ წყაროს—ღვთის სიტყვას.

რომელიც თქვენგანი უცოდველია, პირველმა ესროლე მას... (1. 8, 7). რასათვის მეზვერეთა და ცოდვილთა თანა სკამს მოძღვარი თქვენი?... არა უხმს ცოცხალთა მკურნალი, არამედ სნეულთა... წყალობა მნებავს და არა მსხვერპლი... (მათ. 9, 11—13). დაღათუ შეიდ გზის დღესა შინა შეცო-





დოს, და შვიდ გზის მოიქცეს და გრქვას შენ: შევინანე, მიუტყვევ მას... (ლუკ. 17, 4). ენას და თუ კაცთასა და ანგელოსთასა ვიტყოდე, ხოლო სიყვარული არა მაქნდეს; ვიქმნე მე ვითარცა რვალი (1 კორ. 13, 1). სიყვარული სულ-გრძელ არის და ტკბილ, სიყვარულსა არა ჰშურნ, სიყვარული არა განლაღნის... ძმანო! უკეთუ ვინმე დაეპყრას კაცი, რომელსამე ბრალსა, თქვენ სულიერთა მაგათ დაამტკიცეთ ეგე ვითარი იგი სულითა მით მშვიდობისათა (გალ. 6, 1).

რაც უფრო ღრმად უკვირდებოდი მე ამ სიტყვებს—ყველაფრის მპატიებელი სიყვარულისას, მით უფრო მრცხვენოდა ჩემი თავის, ჩემი წინანდელი მოქმედების, რომელიც უაზრო და უგულო იყო. მე დავრწმუნდი აშკარად, რომ ცოდვილი—ავად-მყოფი კაცია, ცოდვები—ავადმყოფობანი, მამასადამე მათი მორჩენა სასჯელით კი არ შეიძლება, არამედ მტკივნ ადგილებზედ მალამოს დადებით—ყოვლად მპატიებელი სიყვარულის მალამოსი. საუკეთესო საშუალებათ ცოდვებისაგან განსაკუთრებულად ვსცანი გამაფრთხილებელი ზომები, ე. ი. სანიტარული, რის მიღწევა შეიძლება მოზარდი თაობის ქრისტიანული აღზრდით. სასულიერო სანიტარის სამოქმედოთ ამ შემთხვევაში—სკოლებია, მხოლოდ მათი ფორმალიზმით კი არა, არამედ ქრისტიანული ჭეშმარიტებათა მტკიცე განმარტებით: ღვთისადმი მტკიცე აღსარებით, მის მოწყალებაზედ დამყარებით და ქრისტიანული სიყვარულის სიწმიდით, რომელიც „უდიდესია ქვეყნად“.

როდესაც საქმეზედ ასეთი შეხედულებით ვიხელმძღვანელებ, როდესაც ჩემი სულიერი შვილები გახდნენ საგნად ჩემი მზრუნველობისა დაბადებიდანვე და განსაკუთრებით კი—ცნობის მოყვარეობის აღძვრიდანვე, ჩემი სამწყსოც გაიზარდა და გაჯანმრთელდა. შემდეგ მე სიხარულით დაეინახე ჯერ ყვავილები, მერე კი ნაყოფები ჩემი მოქმედებისა—სიყვარული სამწყსოისა ჩემდამი, ბეჯითი სიარული ეკლესიაში, და ურთიერთ შორის თანაგრძნობა გაჭირვებაში და სხ. ხმელი შტოები მწვანემიდ იშვიათად მოსჩანდნენ, ზოგან კი სამუდამოდ გაქრნენ. ჩემი გაჯავრებულად წოდება გამოვიდა ხმარებიდან. ჩემდამო ნდობა და პატივისცემა სამწყსოისა, მაძლევს ნებას ვიმედოვნებდე, რომ ახლო მომავალში დავინახავ ჩემს სასულიერო მტილს კეთილ განწყობილად და თავის დროზედ ნაყოფის მომცემად...

ყოვლად სამღვდლო იმერეთის ეპისკოპოსის ლეონიდიძისგან დღესასწაულობითი წირვა შიომღვიმის მონასტერში 21 წარსულ თებერვალს, 1902 წ. ეველიერის ხუთშაბათს.

გაგრძელება \*).

მონასტრის ტაძრების შეკეთების გარდა, აგებულია ახალი შენობა ათ-ოთახიანი, რომელიც იმარება ბერებისა და მლოცველთა სადგომებად; ძველი სადგომის ადგილას აგებულია ახალი შენობა 7 ოთახიანი, რომელშიდაც მოთავსებულია ბერ-მონაზონთა სასადილო, სამხარეულო და სახაბაზო. კოშკი, რომელიც წინად მონასტრის შემოსავალში სიმაგრეს შეადგენდა, გადაკეთებულია წინამძღვრის დარბაზად. ამ კოშკის მახლობლად, იმ ადგილას, რომელზედაც წინად სახაბაზო იყო, მოწყობილია დიდი აუზი წვიმის წყლისათვის, რადგან იგი საჭიროა შენობათა ასაგებად, მით უმეტეს, რომ მდინარე მტკვარი მოშორებით არის. იოანე ნათლის-მცემლის ტაძრის ეზოში გაშენებულია პატარა ბაღი ერთ-ერთ ბერ-მონაზონისაგან; ამ პატარა ბაღში დარგულია სხვადა-სხვა ხეხილები—კაკლის, ბალის, ნუშის, სხლის, ვაშლის, ქლიავის, ბიის, თხილის და სხვ. იმ გზის პირებზედ, რომელიც იოანე ნათლის-მცემლის ტაძრის ეზოში შემოდის, დარგულია კამელიები, რომლებიც ყოვლად სამღვდლო აღექსანდრესაგან არის გამოგზავნილი, აგრეთვე ყვავილები, მაგნოლიები და კავკასიური ტირიფი; მიძინების ეკლესიის მახლობლად, ჩრდილოეთის მხრივ მოწყობილია სკები და აქვე დარგულია თაფლის მძლვევი ხეები და ბალახი. მონასტრის სამხრეთ-აღმოსავლეთის მხრივ, მაღალ გორაკზედ აგებულია საყდარი სამრეკლოთი ცხოველ-მყოფელი ჯვრის სახელობაზედ; შიგნით ეს პატარა ეკლესია მოხატულია ძველებური მხატვრობით, რომელიც კიდევ შენახულია; საკურხეველის თაღები გაბზნილია, თუმცა საშიშო არა არის რა. ექვს ვარეშეა, როგორც კი დაამთავრებენ მონასტრის შენობათა შეკეთებას, ამ ეკლესიასაც გაინახლებენ; ამ ტაძრის აღმოსავლეთის მხრივ ორი

\*) იხ. „მწყემსი“ № 4, 1903 წ.



გამოქვაბულია, რომელშიდაც ღირსი ბესარიონი სცხოვრობდა და რომელიც მოკლულ იქმნა ყაჩაღთაგან 1827 წ. ამ მთიდან საუცხოვო სურათს წარმოადგენს მდინარე მტკვრის ხეობა და შიომღვიმის მონასტერი, რომელიც მწვანითაა გარემოცული.

ასეთია ღღვეანდელი სურათი შიომღვიმის მონასტრისა, ყველაფერი განახლებულია, გაცოცხლებული; ყველაფერი და ყველაფერს სიცხოველე ეტყობა. ბევრი, რომელთაც მონასტერი წინაღუენახავთ, ეხლა ვეღარც კი სცნობენ; ტაძარი, რომელიც წინაღ ნანგრევებს წარმოადგენდა და რომელიც ღამურების ბუდეთ იყო გადაქცეული, ღღეს განსპეტაკებული და განახლებულია, ნაცვლად ღამურების წრიონისა, ეხლა მწყობრი საეკლესიო გაღობა ისმის, ყოველივე ეს ღიდ სიხარულს აგრძნობინებს მართლ-მადიდებელს; ნაცვლად მინგრეული ქოხებისა, ეხლა ღიდი შენობებია თბილი და სუფთა სადგომებით. წინანდელი გზა-წვრილის მაგიერ, სწორი, განიერი გზა არის. ყოველივე ეს კი, ყოვლად სამღვდელოთა—აღექსანდრე და ღეონიდის დაულღავი შრომისა და სიყვარულის ნაყოფია. აქ, ამ მღვიმეში, რომელიც განთქმულია წმ. მამათა მოღვაწეობით, რაღაც ღვთისადმი სიყვარულსა და სიხსლოვეს გრძნობთ, ბრწყინვალე მოგონებანი სასიამოვნო გრძნობებით ავსებენ ადამიანის გულს.

ხანგრძლივი სიარულით მოქანცულ მლოცველს მონასტრის ბერ-მონაზნობა სტუმართ მოყვარულად უხვდება; მლოცველთა მოსამსახურედ დანიშნულ მორჩილს მიყავს იგინი წინაღ მომზადებულ ოთახში, დგამს სამოვარს, მოუშხადებს ჩაის ქურჭელს, თუ კა საჭიროა საჭმელსაც, ღამით კი სუფთა საწოლს უგებს. ღიდად ნასიამოვნები მლოცველები, მოისმენენ რა ადგილობრივ ბერთაგან მონასტრის წარსულ და აწინდელ ისტორიას, მადლობენ უფალსა, ღირს შიოს და მათ აღრჩეულს ყოვლად სამღვდელო აღექსანდრეს და მიემგზარებიან მონასტრიდან. ისინი მოუთხრობენ თავიანთ ნათესავთ და ნაცნობთ მონასტრის სანახაობას, უზიარებენ იმ სასიამოვნო შთაბეჭდილებებს, რომელსაც მონასტრის ბრწყინვალე მღკომარეობა ახდენს მათზედ; მათდა სასიქადულოდ უნდა ესთქვათ, რომ ასეთ გადაცემას კარგი შედეგი მოსდევს; სულ ახალ-ახალი მლოცველნი მოდიან მონასტერში. ბევრ მლოცველთაგანს ისე აქვთ შეყ-

ვარებული მონასტერი, მისი მწყობრი ღვთის-მსახურებისათვის, რომ ძლიერ ხშირად მოდიან სალოცავად, ასე რომ იგინი თამამად ჩაითვლებიან შიომღვიმის მონასტრის შემავალად.

ყოვლად სამღვდელო აღექსანდრე და ღეონიდი მარტო მონასტრის განახლებისათვის კი არ ზრუნავენ, იგინი ღიდ ყურადღებას აქცევენ მონასტრის ქონებრივ მხარეს. შიომღვიმის მონასტერი, როგორც შტატ-გარეთი, ხაზინიდან არ ღებულობს დახმარებას; ზემოდ აღნიშნული თანხის 23,400 მ. სარგებელი კი ჯამაგირების ფულებად ითვლება, რაიცა შეადგენს 60—80 მ. წელიწადში, ამითი კი შეუძლებელია მონასტრის შენახვა. ამიტომ მონასტრის განახლებიდანვე ამ მოვლენას ჯეროვანი ყურადღება მიექცა, მიუხედავად იმ სიძნელეთა, რომლებიც წინ ეღობებოდნენ ყოვლად სამღვდელო ღეონიდს და აღექსანდრეს. როდესაც ყოვლად სამღვდელო ღეონიდმა ჩაიბარა მონასტერი, იქ სრულებით არ იყო მუშა საქონელი. ყოვლად სამღვდელომ მიმართა ქართველთ მართლ-მადიდებელ ეკლესიის შვილთ შემწეობისათვის, მადლობა ღმერთს, რომ გამოჩნდნენ მრავალნი, რომელთაც შემოწირეს მონასტერს: კაწეები, ხარები, ძროხები, ცხენები, ვირები, ურმები, სახნისები და სხ. ბევრმა სახლის საშენი ფიცრებიც შესწირეს. ამ კეთილ-მორწმუნეთა სახელები ჩაწერილნი არიან მონასტრის კონდაკში და ყოველ წირვის ღროს იხსენებიან. მონასტერმა დაიწყო პურის მოყვანა, მაგრამ ძლიერ ცოტა, რადგან საქონელი მარტო ასაშენებელ მასალათა ზიდვას უნდებოდა. პური არ ყოფნიდათ ბერებსა და მუშებს; ეხლაც კი, როდესაც მონასტერში ცოტა რამ დარჩა გასაკეთებელი, ყოველ წლივ მუშებს უნდებათ 400 ფუთი პური. ამიტომ, რომ მონასტრის სვე-ზედი გაუმჯობესებული ყოფილიყო, ყოვლად სამღვდელო აღექსანდრემ ს. მუხრანში იყიდა 6000 მ. წისქვილი ორ-თვალიანი. ეხლა წისქვილის შემოსავლით მონასტრის ბერებიც და მუშებიც გამოიკვებებიან; ეხლა უფრო ფართოდ შეიძლება პურის მოყვანა, რადგან მონასტრის ადგილები გაწმენდილნი არიან ჩივანარებისა და ნანგრევებისაგან. ზედმეტი პური შეიძლება გაიყიდოს და ამით მონასტრის შემოსავალმაც იმატოს, რომელიც წელიწადში მხოლოდ 300—400 მ. შეადგენს, აქამდის არსებული პურის მოკრება სოფელთაგან, რასაკ-



ვირველია მოისპობა. მონასტრის შემოსავლის გასაძლიერებლად ამ ჟამად ნასწავლი მელდინეს ხელმძღვანელობით შეუდგნენ ამერიკანული ვაზის გაშენებას მონასტრის ახლო ეგრედ წოდებულ „დუაგინი“-სა და „ნიშის მინდორი“-ს დობილობებში.

ყოვლად სამღვდლო აღექსანდრე არ იფიქვებს მის საყვარელ მონასტერს; არაფერს ვიტყვით შემოწირულობებზედ, რომელიც მისგან არ აკლია მონასტერს. ყოველივე ხეხილი, რაც კი ყოვლად სამღვდლოს მოეწონება, მონასტერში უნდა გააშენოს.

ასეთია ისტორია შიომღვიმის მონასტრისა, რომელიც ყოვლად სამღვდლო აღექსანდრესაგან იქმნა განახლებული. ამ ძველი სავანის განახლების საქმე, რომელიც ბევრს მხოლოდ მოხუცი მწემთმთავრის ოცნებათ მიაჩნდათ, უკვე სისრულეშია მოყვანილი...

(გაგრძელება იქნება)

«მწუხმის» კორუმსკონდენსიები.

სოფ. ძმუისი (ქუთ, მახ.) ამ სოფლით თავდება ჩრდილოეთ-აღმოსავლეთის მხრით ქუთაისის მაზრა და იწყება ერთის მხრით ლეჩხუმის და მეორეს მხრით რაჭის მაზრები. ეს სოფელი შორავს ქუთაისიდან 25 ვერსტ. და მგონი, მთელ ქუთაისის მაზრაში ამისთანა გაუნათლებელი სოფელი სხვა არც კი უნდა იყოს. ძმუისს ჯერ განათლების ერთი ნაპერწკალიც კი არ მოხვედრია; აქ არ არსებობს არც ერთი შკოლა, არც სამინისტრო და არც სამრევლო; აქაურმა ბავშებმა შკოლის სახელიც კი არ იციან. მართალია ს. გურნაში არსებობს ერთ-კლასიანი სამინისტრო შკოლა, მაგრამ ძმუისელი ბავშვები იქ ვერ დაიარებიან სიშორისა გამო (8—9 ვერს. შორავს ძმუისს ს. გურნა), და ამნაირად ძმუისელი ბავშვები, სწავლა-განათლებას სრულებით მოკლებულნი არიან. მთელი სოფლიდან, რომელიც შესდგება 82 კომლისაგან, მხოლოდ ერთი მოსწავლე ყმაწვილია, რომელიც ქუთაისის სამოქალაქო სასწავლებელში სწავლობს. მე მინდოდა, რომ გამეხსნა სამრევლო შკოლა, მაგრამ ჩემი ბინის უმეკონებლობისა გამო, ყოველგვარ საქმეს მოკლებული ვარ. მე ამ სოფელში გამამწესა მღვდლად მ. მ. ყოვლად

სამღვდლო ლეონიდმა წარსული 1902 წლ. ნოემბრის თვეში; ფიქრობდი, როგორც დავბინავდები, მალე შკოლის გახსნის საქმეს შეუდგებოდა, მაგრამ, საუბედუროდ, მთელ სოფელში ერთი ორ ან ერთ-თვლიანი სუფთა სახლი არ მოიპოვება, რომელშიაც შეეძლოს მღვდელს და მის ოჯახობას დაბინავება. ყველას აქვთ ძველებური „აფრიანი“ სახლები; ამისთანა სახლები არიან სუყველგან თითო თვალი, უჭერო, უიატაკო, უფანჯრო, უბუხრო, შუა სახლში ანთია ცეცხლი, კვამლი სვეტებივით სდგას შიგ, ქარი და სიცივე ყოველი გვერდიდან შამოდის სახლში; ეს არის იმის მიზეზი, რომ ხშირად ავად ხდებიან აქაურები და უდროვოდ ესაღმებიან წუთი-სოფელს; სწორედ რომ ესთქვათ, აქაურები უსახლოდ ცხოვრობენ. ბევრჯელ ვსთხოვე მე მრევლს, რომ აეშენებიათ თუ მეტი არა, ორ-თვლიანი საეკლესიო სახლი მაინც, და როცა მე ჩემის ოჯახობით დავბინავდებოდი ამ სოფელში, მერე შემეძლო ცოტა რამ გამეკეთებია ხალხის სასარგებლოდ, მაგრამ ვერაფერი ვერ შევასმინე მათ. ამასთანავე უნდა ვსთქვათ, რომ ძმუისელები შეძლებულნი არიან და ღარიბი ერთიც არ ურევია მათშიდ. ათასგვარი ცრუ-მორწმუნეობისა, რომელიც ძველის ღრდიდან დარჩენილა ამ სოფელში, ჩამოთვლაც კი არ შეიძლება. საცოდავია ამისთანა ხალხი და ყურადღების ღირსია, მაგრამ აყრილმა და უბინავო კაცმა რა უნდა გააკეთოს... ყოველი მღვდელი, თუ მას უნდა რომ რაიმე სარგებლობა მოუტანოს თვის სამრევლოს, თუ მას სურს, რომ მისი შრომა ნაყოფიერი იქნეს მრევლისათვის, მუდამ უნდა ცხოვრობდეს მრევლშიდ და მას დიდის ხნით არ უნდა ცილდებოდეს. წარმოიდგინეთ ჩემი მდგომარეობა, მე ვცხოვრობ ძმუისში, ჩემი ოჯახობა კი სოფ. დიმში (ქ. მ.), რომელიც დაცილებულია ძმუისზედ არა ნაკლებ 70 ვერსისა; ჩემს ოჯახობაზე რომ მე ხელი ავილო და თვეში ერთხელ მაინც არ ვნახო ხოლმე იგი, არც ეს ივარგებს, წავიყვანო მრევლში და სად დავბინავდე?! ერთი კაცის და ხუთის ბინა ერთი არ არის. ვიარო ძმუისსა და დიმს შუა ყოველ თვეში,—არც ეს ივარგებს, თითო კვირა მარტო მგზავრობას უნდები აქეთ-იქით. მათმა მეუფებამ ფიცხელი განკარგულება მოახდინა საეკლესიო სახლის გაკეთების შესახებ ჩემ სამრევლოთაგან, მაგრამ ჯერ ძლიერ უარზე დგანან და არც

შემდეგში უნდათ რომ გააკეთონ, ზედ-მეტ ბევრათ სთვლის ხალხი მღვდლის სახლის გაკეთებას. ძლიერ კარგი და სასურველი იქნებოდა, რომ სასულიერო მთავრობას, ამისთანა მიყრუებულ სოფლებში, სადაც საქირავო სახლი არ იშოვება, მღვდლების სახლების აშენებაზე მრევლთაგან ეხმარებოდეს საერო მთავრობაც და ზოგან, სადაც მრევლი თითონ არ ისურვებს, ძალითაც აკეთებინებდენ; ჩვენც კაცები ვართ, ჩვენც ისე გვჭირდება ბინა და სხვა, როგორც სხვა მოსამსახურეთ.

ძმუისის სამრ. მღ. მიხ. ჩიქვინიძე.

**აღდგომას.**

(ვუძღვნი ტიტოვს).

საქართველს ტურფა მთა-ველს  
განს ევლება ზადრი მთვარე,  
დასავლეთით მიქანაბს  
შირმცინაბი, მამღიმარე.

აღმაცრად გადასტქერის  
ტაძრის ტუმბათს, ნამით ნაბანს,  
ტყე-ველში კი, სეგბ შუა  
მკრთალ სინათლის ქსელსა აბამს.

მაგრამ ჩასვლას არ აზიარებს,  
თუმც სვლის კანონს ადარ არდევს,  
სრულს გრძნობით თავის სისივეს  
უკან ისვრის, უკან აბნევს.

გულის ტოკვით უცდას მთვარე  
მზის ამასვლას, დესსასწაულს  
და ადგომის სისარული  
სხვებთან ერთად სწვდება მის გულს.


აჰა კიდევ დღის მნათობმა  
გაწითლა ერთი მხარე,  
თვისი შუქი გადმოსტყფარცნა,  
გააბრწყინვა არე-მარე.

მნათობს აყენენ ფრინველები  
და დაიწყეს ერთად ღებნა,  
„რადაც დესსასწაულია,  
არ გვმართებსო ჩვენც მოწყენა!..“

„ქრისტე აღსდგა!“ — ტურეს და ველს  
ეს ხმა მარტო ესმის ტკბილი,  
„ჭეშმარიტად!“ — და მთვარეს  
მზემ უცვალა მისი ჩრდილი.

აჰა მთვარეც, ზადრი მთვარეც  
უკანასკნელ სხივებს კარგავს  
და ამ ქვეყნით კმაყოფილი  
ძირს ეშვება, თავს იფარავს...

უგნიმარიონი.



**შურნალ-გაზეთებიდან.**

მართებლობის უწყებაში არის დაბეჭდილი:  
პეტერბურგის ქალების სამედიცინო ინსტიტუტში ჯერ ისევ თებერვლის უკანასკნელ რიცხვებში არა ჩვეულებრივი აღელვება ეტყობოდა ინსტიტუტის მოსწავლე ქალებს. აღელვების მიზეზი იმ წესის პროექტის გამოცხადება იყო, რომელიც შეეხებოდა გადასაყვან ეგზამენებს ინსტიტუტში. აღელვება თანდა-თან ძლიერდებოდა და 10 მარტს საანატომიო აუდიტორიაში უკანონო ყრილობა მოხდა; შეიკრიბა 600-მდე მოსწავლე ქალი. დირექტორის და სამოსწავლო ოლქის მზრუნველის დარიგებას შედეგი არა მოჰყვა რა, და ყრილობამ სამ საათს გასტანა. რადგან მოსწავლენი თავისას არ იშლიდნენ და იკრიბებოდნენ იმ აზრით, რომ პროტესტი გამოეცხადებინათ ინსტიტუტის საბჭოს მიერ შემუშავებულ და საერო განათლების სამინისტროს მიერ 8 მარტს დამტკიცებულ წესების წინააღმდეგ, ამიტომ 11 მარტიდან ახალ განკარგულებამდე ინსტიტუტში სწავლა და მეცადინეობა შესწყვიტეს. ყრილობაში მონაწილეობის მიმდებნი პროფესორთა სადისციპლინო სამართალში მისცეს. საქმის განხილვის შემდეგ, სასამართლომ 345 მოსწავლე ქალს სასჯელი გადაუწყვიტა, რომელთაგან 28 ქალს მიუსაჯა სხვადა-სხვა სასჯელი, ისეთი სასჯელი-კი, რომელიც თუმცა შენიშვნის გამოცხადებას აღემატება, მაგრამ ინსტიტუტიდან გამორიცხვას მიიწვევს არ უდრის. დანარჩენ 317 ქალს გადაეწყვიტა შენიშვნის გამოცხადება. 28 ქალი, რომელნიც უფრო შენიშნულნი იყვნენ დირექტორმა დაიბარა განაჩენის გამოსაცხადების



ხადებლად. მაგრამ ამათგან 27 ქალი დირექტორის წინადადებას არ დაემორჩილა. საერო განათლების სამინისტროს გამგემ მოსწავლე ქალთა ასეთი საქციელი არამც თუ განზრახ დისციპლინის დარღვევად სცნო. არამედ ქალებმა თავიანთის საქციელით დემონსტრატულიად განაცხადეს, რომ პატივს არა სცემენ პროფესორთა სამართალს და არა ჰსურთ დაემორჩილნენ კანონიერ წესსაო. ამის გამო სამინისტროს გამგემ საჭიროდ სცნო ამ 27 ქალთაგან ზოგის დათხოვნა. 27 მარტს ინსტიტუტში სწავლა ხელ-ახლა დაიწყო.

პეტერბურგის უნივერსიტეტში წესიერება დაიწყო 18 მარტს, თუმცა სწავლა ამ დღეს არ შეწყვეტილა. 18 მარტს შეიკრიბა 500-მდე სტუდენტი (უნივერსიტეტში სულ 4,030 სტუდენტი); ამით უთუოდ წინადავე გადაწყვეტილა ჰქონდათ ყრილობა. ეს სტუდენტები 12 საათზე შევიდნენ უმათერეს კართ კიბის აივანზე სააკტო ზალის პირდაპირ, სადაც ყრილობა მოახდინეს. ინსპექციამ მოსთხოვა დაშლილიყვნენ, მაგრამ შეკრებილნი არ დაემორჩილნენ. მოვიდნენ რექტორი და სამოსწავლო ოლქის მზრუნველი და ცდილობდნენ წესიერების აღდგენას, მაგრამ სტუდენტები იმათ სიტყვებს და დარიგებას ყვირილითა და უმართებულო პროტესტით მიეგებნენ. ყრილობამ ორ საათს გასტანა. სალაპარაკო საგნად ყრილობას ის უწყსოება ჰქონდა, რომელიც რამდენისამე დღის წინად ქალების სამედიცინო ინსტიტუტში მოხდა; აგრეთვე ისეთი საგნები, რომელსაც არავითარი კავშირი არა აქვს უნივერსიტეტის ცხოვრებასთან. ამის გამო 68 სტუდენტის წინააღმდეგ, რომელნიც დაესწრნენ ყრილობას, საქმე აღიძრა პროფესორთა სადნსკობლინო სასამართლოში. ამასთან სასამართლოში საქმის წესიერად წარმოებისათვის და აგრეთვე იმათ დასაცველად ავტოციისაგან, ვისაც 18 მარტის უწყსოებაში მონაწილეობა არ მიუღიათ (შესაძლებელი იყო, ავტოტატორებს ყოველი ღონე ეხმარათ, რომ ხელ-ახლა უკანონო ყრილობა მოეხდინათ), სწავლა უნივერსიტეტში დროებით შესწყვიტეს, ისევე, როგორც ქალების სამედიცინო ინსტიტუტში მოხდა 10 მარტის ყრილობის შემდეგ. პროფესორთა სასამართლომ განიხილა საქმე ამ 68 სტუდენტისა, მოისმინა მოწმეთა ჩვენებანი, აგრეთვე განმარტებანი იმ ბრალდებულთა, რომელნიც სასამართლოში გამოცხადნენ,

და დაადგინა: ოთხი სტუდენტის შესახებ საქმე შეაჩეროს ამ სტუდენტების ავადმყოფობისა ოა უწყების დროზე ჩაუბარებლობის გამო; 4 სტუდენტი უდანაშაულოდ იცნას; დანარჩენი 60 სტუდენტი დამნაშავედ იცნას ყრილობაში მონაწილეობის მიღებისათვის. ამათგან, დანაშაულობის დაგვარად, სასამართლომ გადაუწყვიტა: 14 სრულიად დათხოვნა უნივერსიტეტიდან, ისე კი, რომ უმადლესს სასწავლებელში შესვლის უფლება არ ჩამოერთვათ, სასჯელთა წესების მე-7 მუხლის ძალით; 21 სტუდენტს დროებით დათხოვნა უნივერსიტეტიდან, სახელდობრ: 7 კაცს—1904 წლის 15 აგვისტომდე და 14 კაცს—1903 წლის 15 აგვისტომდე; 7 სზნობრივად გაკიცხვა და თავისუფალ მსმენელთა რიცხვში ჩარიცხვა; 4-ს თავისუფალ მსმენელთა რიცხვში ჩარიცხვა; 12 სტუდენტს საყვედური და 2 სტუდენტს—შენიშვნა. ეს განაჩენი სამოსწავლო ოლქის მზრუნველის მიერ დამტკიცების შემდეგ, დასრულეს. 28 მარტს ხელ-ახლა გაიხსნა უნივერსიტეტის წიგნთ-საცავი, კანცელარია და ზოგიერთი ლაბორატორია, აგრეთვე სადგომები სამეცნიერო საზოგადოებათათვის. სააღდგომო ვაკაციების მოახლოების გამო (ვაკაციები იწყება 30 მარ.), ლექციებს აღარ წაიკითხავენ უნივერსიტეტში, მაგრამ ეგზამენები მოხდება დამტკიცებულ და გამოცხადებულ წესის თანახმად.

### ახალი ამბები და შენიშვნები.

\* \* \* სასულემწიფო საბჭოს გადაწყვეტილებით, რეკორდ „ზრგ. ვესტ.“-შია გამოქვეყნებული, უქმდება გორის სასტატო სემინარიისთან არსებული რუსულ-ქართული და სომხური ზირველ-დაწყებითი სასწავლებლები. იმათ ნაცვლად უნდა დააარსდეს რუსული რეკლასიანი სასწავლებლები.

\* \* \* ამ წლის ზირველ სექტემბრიდან სოხუმში გაიხსნება რეკლურა სასწავლებლები.

\* \* \* 29 მარტს სასოფლო-სამეურნეო საზოგადოების საბჭომ წარუდგინა გუბერნატორს მკვლე ანგარიში თფილისის საბადოსნო შკოლის შესახებ. რეკორდ ამ



ანგარიშიდან ჩანს, საბადოსნო შკოლაში შარშან ეოფილას 41 მისწავლე: აქედან ქართველი—16, სომეხი—18, რუსი—5, თათარი—1 და ლეკი—1. სკოლაზე 1902 წელს დაუსრულებიათ 14,904 მან. 60 კან.

\* \* კავკასიელ სტუდენტთა დამხმარებელ საზოგადოების გამკეობა აუწყებს იმათ, რომელთაც სურთ დაბეჭდილ წიგნებიდან შემოსავლის ან იმის ნაწილის შემოწონვა, წინდაწინ „სტუდენტთა დამხმარებელ საზოგადოების“ გამკეობას დაეკითხონ და მისგან თანხმობა მიიღონ წიგნის უფასო შესაფერა განცხადების აღბეჭდვისა, ამასთანავე უნდა გამოაცხადონ, რამდენი ცალი დაიბეჭდა იმ გამკემისა.

\* \* „ნოვ. რ.“-ს საინტერესო ამბავს ატეობიანებენ ქუთაისიდან. როგორც ზეტერბურგიდან უცნობებიან, გზათა სამინისტრო თანაგრძნობით მიგებუბა საკითხის რკინის გზის მეორე ლიანდაგის გაყვანის შესახებ. ამ ლიანდაგმა, როგორც ვუწყით, ქუთაისზე უნდა გაიაროს. ამ ამბის მიღებისთანავე ქალაქის მოურავის მოადგილე გ. ი. გველესიანი თფილისის წამოსულ რკინის გზის გამკეობასთან მოსალაზარაკებლად.

ზენის აზრით, დიდი სასიხარულო არ არის მინისტრის თანაგრძნობით მიგებუბა ამ საკითხზე. შეიძლება, რომ თანაგრძნობით მიგებუბს ამ ადგილზე გზის გაუყვანლობასაც!..

\* \* როგორც „კვალს“ შეუტყვია, სამოსწავლო უწყებას განუზრახავს დაარსოს ტფილისში უმაღლესი სასწავლებელი სპეციალურის განყოფილებით, მხლოდ იმ ზარობით, თუ ქალაქი თავის მხრივ ეოველ წლობით გაიღებს ფულს აღნიშნულ სასწავლებლის შესახად, რადგან სამკურნეო განყოფილებიან უმაღლეს სასწავლებლის შენახვაში ტფილისის მცხოვრებნი ვერ მიიღებენ მონაწილეობას. კავკასიის სასოფლო-სამკურნეო საზოგადოების სპეცო განიხილავს საკითხს, თუ როგორი უმაღლესი სასწავლებელი უნდა დაარსდეს ტფილისში, რომ ხარჯში ქალაქის თვით-მართველობამაც მიიღოს მონაწილეობა.

\* \* ამ დღეებში გამოვიდა კატალოგი ქართულ ხელნაწერებისა, რომელიც ინახება წერა კითხვის გამავრც. საზოგადოების ბიბლიოთეკაში. ეს კატალოგი მეტად ძვირფასი და საინტერესოა ეგვლას ქართველისათვის, რადგან ზემოხსენებულ ბიბლიოთეკაში ბევრი იმდენი საინტერესო ხელთნაწერია, რომ უკატალოგოდ შეუძლებელია ისარკებლოს კანმა. კატალოგი შეადგინა ბ-ნმა თაფაიშვილმა და ღირს ერთი მანეთი.

\* \* ამბობენ, რომ გორის სასოტატო სემინარია ტფილისში უნდათ გადმოიტანონ და მისთვის შენობა ააკონ ვერახედ, სათავად-ახნაურო სკოლის და სასულიერო სემინარიის შენობის მასლობლად. სათანადო მთავრობას უხერხულად უცვნია გორში სასოტატო სემინარიის დატოვებო. რასაკვირველია მასწავლებლებს თბილისში ცხოვრება ურჩევნიათ. ვინ გასწორას გორი და თბილისი?!

\* \* ცნობილს გეოგრაფს ელიზ რეკლიუს წაუკითხავს სამის კვირის განმავლობაში ოთხშაბათობით სამი ლექცია ბრიუსელში ქართველთა შესახებ. მეცნიერი ლექტორი დიდის გულმტკივნეულობით ლაზარაკობდა თურმე ქართველთა შესახებ, გული უხუელებდა და კინადამ ტირილი მოსდიოდა. ამბობდა, რომ ქართველები დიდებული ხალხია, ბრწეინავლე წარსული აქვს. ამისთანაერი არ უნდა დაიღუბოს, უფლებს აქვს სტოცნლობდეს, არსებობდეს. მაგრამ თვითონ თუ არ უნდა სიტოცნლე!..

\* \* 8 აზრილს, ზირველ საათზე, სტეფანე და ზეტრე კონსტანტინეს ძენი ზუბალაშვილნი და მათი დისწული ზავლე იოსების ძე თუმანიშვილი ივენენ სათავად-ახნაურო სკოლის შენობის სახახავად. ეოველივე დწვრილებით დაათვალეერეს და გაშინჯეს ბ-ნ ნ. ცხველადის თანდასწრებით. ძლიან ისიამოვნეს ხახულით და წასვლის დროს ბ-მა სტეფანე კონსტანტინეს ძემ ათი თუმანი გადასცა შენობის კანტონას მუშების დასახეუქრებლად. ფული მაშინვე დაურიგდათ მუშებს.

\* \* როგორც ხმები ისმის, სათანადო მთავრობას განუზრახავს თელავის სასულიერო სასწავლებლის ტფილისში გადმოტანა და შეერთება ტფილისის სასულიერო სასწავლებელთან. თელავის სასულიერო სასწავლებელი დაარსებულ იქმნა საქართველოს მეორე ექსარხოსის თეოფილასქტეს მიერ 1817 წელს სიღნაღის და თელავის მაზრის სასულიერო წოდების შვილთათვის.

\* \* სათანადო მთავრობას განუზრახავს სოხუმში დაარსოს საკუთარი ოთხ კლასიანი სასულიერო სასწავლებელი აფხაზეთის და სამურხავეთის სასულიერო წოდების შვილთათვის.

\* \* 6 აზრილს, დამის 5 საათზე, სამტრედიასი დაეცნენ ცნობილ მდიდარს—იორდანე სიხარულიძეს სამი ბოროტ-მოქმედნი, კანარცვა ვერ მოასწრეს და დასჭრეს. სიხარულიძე მეორე დღესვე ქუთაისში გაზახენს თოფურას სამკურნალოში და ზირველი დახმარებაც აღმოუჩინეს, მაგრამ მაინც კარდაიცვალა. დიდებულად წასუენეს გურიაში დასამარხავად. ამის შემდეგ ბევრ მოსწავლე ზარს მოაკლდება მისი შემწეობა.



# სახელმძღვანელო, საყურადღებო, საჭირო და სასარგებლო ცნობათა განყოფილება.

მართლმადიდებლობით—ქრისტეანებრივის სა-  
ეკლესიო საზოგადოების დღითის მსახურე-  
ბის განმარტება.

(გაგრძელება. იხ. „მწყემსი“ № 6).

მარტო კაცი, თუ მას ღმერთი არ ეწევა. რო-  
გორც ზემოდ ვსთქვით, ბოროტებას ვერ დაძლევს;  
ხოლო უფალი ყოველთვის მზად არის ადამიანს  
დაეხმაროს, თუ კი იგი ამას ისურვებს. არც ის შე-  
იძლება, რომ ერთმა მხოლოდ ღმერთმა კაცის ბუ-  
ნება თვის ძალით განწმიდოს, სრულ ჰყოს; არ შეიძ-  
ლება იმიტომ რომ მაშინ ეს იქნება ძალ-დატანება,  
ღვთისუფლების მნებელობის წართმევა; და კაცი  
კი თავისუფალი არსებაა და ამ თავისუფლებით იგი  
ყველა სხვა ცხოველებისგან განირჩევა და მით მათ-  
ზე მაღლა სდგას,—ეს ერთი. მეორედ, ღმერთმა  
რომ კაცის ბუნება მარტო თვისის ძალით გაასწო-  
როს, განაკეთილოს, მაშინ ადამიანის კეთილ მოქ-  
მედებას არ ექნება ის ფასი და ღირსება, რომელიც  
აქვს მისს კეთილ-მოქმედებას მაშინ, როცა იგი იმას  
თვისის ნებით, თვისის ძალით იჩენს. წარმოვიდგი-  
ნოთ შემდეგი მაგალითი. ორმა რომელიმე კაცმა  
საწყაღს, ღარიბს შემწეობა აღმოუჩინა. პირველმა  
გამოიჩინა სიკეთე მას შემდეგ, როცა მას ბევრი  
ელაპარაკოს მოწყალეობა გამოეღო; მეორე კი გა-  
ჭირვებულს თავის თავად დაუყოვნებლივ შეეწია.  
რომელ ამათაგანის საქციელი უფრო მოსაწონია?  
—რა თქმა უნდა, მეორისა. ასე კაცის ყოველივე  
საქციელს იმდენად მეტი ფასი ედება, რამდენადაც  
მან მეტი თვით-მოქმედება გამოიჩინა, რამდენადაც  
მან თვისის ნებით, თვისის ძალ-ღონით ქმნა იგი.  
ამნაირად ადამიანის ზნეობრივის განახლებისთვის სა-  
ჭიროა ორი პირობა. პირველი ისა, რომ თვით კაცმა  
ისურვოს სულის სიწმიდის მოპოება, აამოძრავოს

თვისნი სულიერნი ძალნი ბოროტებასთან საბრძოლ-  
ველად, დაიწყოს ბიწიერ სურვილების უკუქცევა;  
მეორე კი ისა, რომ უფალმან ცოდვასთან სამორად  
განზადებულ ადამიანს მიმადლოს თვისი ძალა, რომ  
მან მისნი დასუსტებულნი ბუნებრივნი ძალნი განა-  
ცხოველოს, განაძლიეროს და შეაძლებინოს მას  
დაწყებული საქმე ბოლომდე მიიყვანოს. თუ რო-  
მელიმე ამ პირობათაგანი დარღვეულ იქმნა, მაშინ  
ბოროტებაზე გამარჯვება შეუძლებელია.

ადამიანის თვით-მოქმედება ზნეობრივის განახ-  
ლებაში უნდა გამოიხატებოდეს შემდეგში. მან თვი-  
სი თავი უნდა იცნოს, თვის სულის სიღრმეში უნდა  
ჩაიხედოს, პირუთვნელად, სასტიკად გამოიძიოს და  
შეიტყოს, თუ რა ცუდი თვისებები აქვს მას. თვისი  
ნაკლულევიანებები მუდამ თვალწინ დაყენებული  
უნდა ჰქონდეს და ყოველთვის, როცა კი ისინი  
მასში აღიძვრიან, თავს იჩენენ, უნდა შეეცადოს შე-  
ებრძოლოს მათ, უკუაქციოს. თუ იგი იმათ გამუდ-  
მებით ეომება, უარს ეუბნება დაკაყოფილებაზე,  
მაშინ ისინი ბოლოს და ბოლოს დარწმუნდებიან  
და განიდევნებიან. თვისთ ცოდვითთა სურვილებთან  
ბრძოლა ძლიერ სასტიკი და ძნელია. იგი დიდ  
მოთმინებას და ენერგიას, ძალას ითხოვს; იმისთვის  
დიდი გამჭირახობა და მეცადინობაა საჭირო. მათ-  
გან კაცი ბევრჯერ დამარცხდება, ბევრ ტანჯვას  
გამოივლის, გარნა იგი ამით არ უნდა შეშინდეს,  
იმედი არ უნდა დაკარგოს და მათთან ბრძოლაზე  
ხელი არ უნდა აიღოს. ცოდვითი მოქმედება სამის  
მომენტისაგან, სამის ღრმისაგან შესდგება. პირველს  
მომენტს შეადგენს ზრახვა, წარმოდგენა ცოდვისა,  
როცა კაცი რაიმე ბოროტ საქმეს გაიფიქრებს. მე-  
ორე მომენტი არის ფიქრთან ერთად თანადატკობა,  
ე. ი. როცა კაცი ცოდვას და მისს შედეგს სავსე-  
ბით, დაწვრილებით განიზრახავს, გაითვალისწინებს,  
და ამასთან ერთად სიამოვნობს. მესამე მომენტი  
არის მოქმედება, ასრულება წინდაწინვე განზრახულ  
საქმისა. ზემოდასახელებულ პირველ და მეორე მო-  
მენტების დროს კიდევ ადვილია ცოდვასთან ბრძო-  
ლა, ხოლო მეორე მომენტის შემდეგ კი ძლიერ  
ძნელია; ხასიათის დიდი სიმტკიცეა საჭირო, რომ  
ბოროტ მოთხოვნებამ კაცის მნებელობა არ და-  
ატყვევოს. ამიტომ ადამიანი უნდა მეცადინობდეს  
ძალ-ღონე თავშივე მოიკრიბოს და ცოდვითს სურ-  
ვილს უარი უთხრას. ბრძოლა ცოდვასთან ძნელია



ვაჟაკობაში; იგი უფრო ადვილია სიყმაწვილეში, როცა სულიერნი ძალნი ბოროტებაში არ არიან განმტკიცებულნი და მაშასადამე მათი მიღრეკა კეთილისადმი ადვილია. ამიტომ ადამიანმა თვითგასწორება სიყმაწვილეშივე უნდა დაიწყოს. თვისთ ბიწიერ მოთხოვნილებებთან ბრძოლასთან ერთად კაცმა უნდა განავითაროს ის კეთილი თვისებები, რომლებიც მას თანდაყოლილი აქვს, და მან კიდევ უნდა შეიძინოს ის ღირსებანი, რომელნიც მას არა აქვს, მაგრამ რომელთა მოპოვებას მოითხოვს ზნეობრივი კანონი, განსაკუთრებით კი, მან უნდა აღანთოს თვის გულში სიყვარული ყოველთადმი, რადგან იგი არის დედა ყოველთა სათნოებათა.

როცა კაცი ამნაირად თვის გასწორების და სრულყოფის საქმეს შეუდგება, მაშინ მას ღმერთი მიანიჭებს თვის მადლს, ე. ი. ის აღივსება ზეცოურის სიხარულითა და კმაყოფილებითა. ამ ღვთაებრივის მოწყალებით განმხნევებული და წაქეზებული ადამიანი, თვისთ ცოდვითა მოთხოვნილებათ უფრო და უფრო მედგრად შეებრძოლება და კეთილ მოქმედებაში უფრო მეტ ძალას გამოიჩინს. კაცის ასეთ ქცევას ის შედეგი მოჰყვება, რომ მის სულში ღვთაებრივი მადლი უფრო გაცხოველდება, გაღვივდება და წარმოშობს მასში მომეტებულ სიტკბოებასა და სიხარულს. ასე, როცა ადამიანი ღვთის ხმას მუდამ უსმენს, მისს მადლს ემორჩილება, და როცა ღვთაებრივი მადლი მას გზას უცისკროვნებს, მეტ ღონეს აძლევს, მაშინ იმისი ბუნება, ბოროტებისგან სუფთავდება, სპეტაკდება, მასში ღმერთი ისადგურებს. ღმერთთან დაკავშირებას მოსდევს განთავისუფლება ყოველივე იმ მწუხარებათაგან, რომელნიც ზემოთ აღვნიშნეთ; და მშვიდობისა და სიხარულის დამკვიდრება; სადაც ღმერთი სუფევს, იქ მწუხარებას ალაგი არა აქვს, იქ მხოლოდ მუდმივი და შეურყეველი ნეტარება მეფობს. რაც უნდა დიდი უბედურება ამა სოფლისა ეწვიოს ღვთაებრივის ცხოვრებით შემოსილს ადამიანსა, იგი მიანიც არ მოიღრეკება წინაშე მისა და მწუხარებითის გრძნობებთა არ გარემოიცვება, რადგანაც, შინაგანი მისი სიტკბოება-სიხარული, ღმერთთან დაკავშირებისა გამო წარმომდგარი, არ აძლევს ნებას ქვეყნიურ უსიამოვნებათა

ფეხი მოიკიდონ იმის სულში, აამღელვარონ იმისი გული და ასე იგი მუდამ მხნე და მხიარულია.

აი ასეთი ნეტარებითი მდგომარეობა ქრისტიანისა, ე. ი. სულისგან ცოდვის განდევნა და მასში კეთილის გამეფება, ღმერთთან დაკავშირება, შინაგანის სიხარულისა და მშვიდობიანობის მოპოება, სოფლიურ ტანჯვა-წვალებათა უღელის—სიმძიმის შემსუბუქება, იწოდება ცხოვრებად, ანუ ცხოვნებად; იწოდება ამ სახელით იმიტომ, რომ კაცის მხოლოდ ასეთი ცხოვრება არის ნამდვილი, წესიერი, შესაფერისი იმის ბუნებისა და დანიშნულებისა ცხოვრება.

კატახასიქე.

(გავრძელება იქნება).

## გ ა ნ ს ხ ა დ ე გ ა .

**უპირილაუი** გალობის მასწავლებელი სერგეი ჯინჭველაშვილი ასწავლის ქართულს საეკლესიო და საერო გალობას ნოტების საშუალებით. თანაც ამზადებს მოსწავლეებს საქალაქო სასწავლებლისათვის.

ბ ი ნ ა: ბესარიონ მოდებაძის სახლი—სახინის ჰირდაშირ.

ამით ვაუწყებ ჰატევიცემულ საერო და სამღვდლო წოდებას, რომ მე გავხსენი დაბავჯირილაში სადურგლო კანკელისა და იკონოსტანსების დასამზადებლად. კანკელებს, ცალკე სამეუფეო კარებსაც ვიღებთ ძლიერ იაფად იმედი გვაქვს, რომ ჰატევიცეული საზოგადოება და სამღვდლოება ჩვენი ნაკეთებით არ დარჩება უკმაყოფილო.

იკონოსტანის მკეთებელი ტ. ჯიშკარაძე.

რედაქტორ-გამომცემელი დეკ. ღ. ლამბაშიძე.

Редакторъ-Издатель П. Д. Гамбашидзе.

Дозволено цензурою Архимандритъ Георгій 17 апрѣля 1903 г.

Типог. редакціи журн. „Пастыръ“ (П. Д. Гамбашидзе) въ Квирилахъ въ собст. домѣ.